

# Ժողովուրդ

8  
(2674)

20 հունվարի ուրբաթ 2023  
տպագրության ԺԲ տարի

✉ ք. Երևան, Արմավյան 22ա/3 (0010) ☎ + 374 10 546423 @ info.armlur@gmail.com, info.zhoghovurd@gmail.com

100 դրամ

## ՊԱՇՏՈՆԵԱԿԱՆ ԱՆՓՈՒԹՈՒԹՅՈՒՆ, ՄԳԻ ԹԵՄԱՆ ՓԱԿԵԼՈՒ ՄՂՈՒՄ



2018 թվականի տարեսկզբին, երբ Նիկոլ Փաշինյանը դեռևս ընդդիմադիր պատգամավոր էր եւ պատեհ-անպատեհ բոլոր առիթներով քննադատում էր բանակի վարքն ու բարքը, կենցաղավարությունը, առավել մեծ խանդավառությամբ խոսում բանակի զոհերի մասին, Ջինված ուժերում դժբախ պատահարի՝ շնու գազից թունավորման հետեւանքով մահացած զինծառայողի միջադեպը սարսափ էր համարում: Վարչապետի աթոռը զբաղեցնող Փաշինյանը, սակայն, ոչ միայն սարսափ որակումը չի տալիս Գեղարքունիքի մարզում տեղի ունեցած ողբերգական, 15 ժամկտայինի կյանք խլած միջադեպին, այլև արագարագ, ոտքի վրա ցանկանում է առանց նախաքննության ավարտի ու միջադեպի բոլոր հանգամանքների պարզաբանման առաջինը հայտնել, թե ինչ է կատարվել զորամաս համարվող հյուղակում, որտեղից փրկվել են 3 հոգի, սակայն ի վիճակի չեն խոսել: 2023-ի տոնական միջոցառումների վրա միլիոնավոր դոլարներ են ծախսվել, բայց սահմանը պաշտպանող ու երկրի անվտանգությունը հսկող 18-ամյա զինվորը տանն անգամ չնմանվող ինչ-որ կացարանում է բնակվում: Թերեւս սա է Նիկոլ Փաշինյանի պահած բանակի երեսը: 2 տարի առաջ, երբ ԱԺ ՄԻՊ հանձնաժողովի նախագահ Թագուհի Թովմասյանն ահազանգում էր առաջնագծի կահավորանքի մասին, Փաշինյանը գլուխ էր գոլում, թե արվում է ամն բան, սակայն գաղտնի: Իրականում կառավարության անդամները, իշխանական պատգամավորներն ու ԲԳ-ական ամենատարբեր ջիւղակիները շտապում են հավելավճարներ ստանալ, «վոյաժների» մեկնել ու գերթանկարծեք հարթակներ, կնունքներ, ծնունդներ կազմակերպել, բայց նույն այդ պահին իշխանությունը, մեկ-երկու երկրորդական պաշտոն զբաղեցնող զինվորականի աշխատանքից ազատելով, շտապում է փակել 15 ընտանիքի սգատեր դարձնելու անչափ ցավոտ թեման: Եթե իշխանությունն ինչ-որ կերպ այս ամենը կարողանար «նախկինների» հետ կապել, ապա, վստահեցնում եմք, առանց վարանելու մեղքն իր վրայից նրանց վրա կգցեր ու հանգիստ շունչ քաշելով՝ նորից կսկսեր բանակին ելակ հրամցնելու մասին անդուլ եւ անդուր տեքստերը հրապարակ բերել:

«Շատ անհաջող միջադեպ էր»,- «Ժողովուրդ» օրաթերթի հետ զրույցում այսպես արձագանքեց 33-ում ԵՄ դեսպան, ԵՄ պատվիրակության ղեկավար Անդրեա Վիկտորինը՝ խոսելով հունվարի 17-ին Արցախի ճանապարհին տեղի ունեցած միջադեպի մասին: Խոսքն այն դեպքի մասին է, երբ արթրեզանցի «Էկոակտիվիստներն» Արցախի ճանապարհին կանգնեցրել էին ռուս խաղաղապահների ուղեկցությամբ երեխաներին տեղափոխող ավտոբուսը, ներս մտել, սարսափեցրել անչափահասներին: ԵՄ դեսպանից, մասնավորապես, «Ժողովուրդ» օրաթերթը հետաքրքրվեց, թե ինչ է մտածում դեպքի մասին. չէ՞ որ, ի վերջո, շատ միջազգային կոնվենցիաներ են խախտվել, անգամ այդ պահին երեխաներից մեկն ուշաթափվել է: Ի պատասխան՝ տիկին դեսպանը Նշեց. «Դա շատ անհաջող միջադեպ էր, բայց ԵՄ-ն ակտիվ է ընդհանուր առմամբ. մենք փորձում ենք լուծել խնդիրը, համոզված ենք՝ միջանցքը պետք է բացվի, պետք է մարդկանց եւ ապրանքների ազատ մուտք լինի, մենք դիվանագիտական հարաբերություններ ունենք եւ փորձում ենք լուծել խնդիրը»: Մեր ճշտող հարցին՝ իսկ ինչ կասի Արցախի երեխաների ոտնահարված իրավունքների մասին, տիկին Վիկտորինը Նշեց. «Կարծում եմ՝ արդեն ասացի. մենք փորձում ենք դիվանագիտական լուծում գտնել»: Իսկապես մտահոգ էր 33-ում ԵՄ դեսպանը:



«Ժողովուրդ» օրաթերթի տեղեկությունների համաձայն՝ 15 զինծառայողի կյանք խլած հրդեհի դեպքով սպասվում է կալանավորումների շարք: ՊՆ-ում ներքին քննարկում է եղել, որի ժամանակ Նշվել է, որ հեռացումներն առաջին քայլը կլինի, որից հետո կսկսվեն կալանավորումները: Նշենք, որ երեկվա ողբերգական դեպքով աշխատանքից ազատվել են 2-րդ բանակային կորպուսի հրամանատար, գնդապետ Վահրամ Ֆրունզի Գրիգորյանը, կորպուսի շտաբի պետ-կորպուսի հրամանատարի տեղակալ, գնդապետ Միհրան Մերգեյի Մախաթյանը, 2-րդ բանակային կորպուսի հրամանատարի տեղակալ թիկունքի եւ ԿԾԾ գծով, թիկունքի պետ, գնդապետ Շիրազ Գեւորգի Խաչատրյանը, հրամանատարի մարտական հերթապահության գծով տեղակալ, գնդապետ Արթուր Մերժիկի Օհանյանը, 33 ՋՈւ թիկունքի վարչության հրդեհային անվտանգության ծառայության պետ, գնդապետ Սարգիս Ռոբերտի Մազմանյանը: Գեղարքունիքի մարզի Ազատ գյուղի զորամասում տեղի ունեցած հրդեհի կապակցությամբ, պաշտպանության նախարարի հրամանով, աշխատանքից կազատվեն նաեւ բրիգադի շտաբի պետ-հրամանատարի տեղակալ, փոխգնդապետ Ռուդիկ Էդիկի 3ակոբյանը, բրիգադի հրամանատարի տեղակալ թիկունքի եւ ԿԾԾ գծով, փոխգնդապետ Գոռ Մերգեյի Աղեկյանը, բրիգադի ինժեներական ծառայության պետ, կապիտան Տիգրան Նվերի Ղազարյանը, բրիգադի ինժեներասակրավորային վաշտի հրամանատար, կապիտան Գոռ Գեղամի Սարգսյանը:



Գեղարքունիքի մարզում գտնվող զորամասի կացարանում բռնկված հրդեհը պատճառ դարձավ, որ կառավարության նիստի օրակարգում ընդգրկված հարցերը չգեկուցվեն եւ չքննարկվեն: Օրինակ՝ այդ հարցերից մեկով ներքին գործերի նախարար Վահե Ղազարյանի անվամբ ներկայացված էր «Հայաստանի Հանրապետության 2023 թվականի պետական բյուջեի մասին» օրենքում վերաբաշխում կատարելու մասին հարցը: Այս նախագծով ՆԳՆ-ն բյուջեից լրացուցիչ գումար է ուզում անհրաժեշտ թվով 50 հաստիքների պահպանման ծախսերի ֆինանսավորման համար, քանի որ, հիմնավորման համաձայն, նախատեսված հատկացումների անբավարարության հետեւանքով լրացուցիչ միջոցներ նախատեսելու անհրաժեշտություն է առաջացել: Նշվում է, թե «Ներքին գործերի նախարարության ոլորտի քաղաքականության մշակում, կառավարում, կենտրոնացված միջոցառումների, մոնիտորինգի եւ վերահսկողության իրականացում» միջոցառման գծով 33 պետական բյուջեով հատկացումներ առկա չեն, քանի որ օրենքն ուժի մեջ է մտել 2022թ. դեկտեմբերի 30-ին: Նկատենք, որ ՆԳՆ-ն ունենալու է 50 հաստիքային միավոր, եւ, ըստ հաշվարկների, ամսական կապիտանջվի 2 մլն 124 հազար դրամ, տարեկան 25 մլն 488 հազար դրամ, սակայն ներկայացված նախագծով առաջարկվում է ապահովել 6 ամսվա գումարը, որը կազմում է 12 մլն 744 հազար դրամ:









ՀԱՍԱՐԱԿՈՒԹՅՈՒՆ

ՄԱՐԶ

ԳՐՈՇԸ ՎԵՐՋԱՊԵՍ ՓՈԽԵՑԻՆ

Տավուշի մարզի Կիրակց եւ Ոսկեպար գյուղերի սահմանին՝ Հայաստան Կրաստան միջպետական ավտոճանապարհի եզրին գտնվող բլրին տեղադրված եռագույն դրոշմ պատուված էր: Սահմանագոտում Հայաստանի Հանրապետության եռագույն դրոշմ տեղադրվել էր մեկ տարի առաջ ՊՆ զինվորականների կողմից: Օրերս պատուված դրոշի փոխարեն նորն են տեղակայել: Այդ փոխարինումը պետք էր ավելի շուտ անել:

ԹԱՓՈՒՐ ՏԵՂԵՐՆ ԱՎԵԼԱՆԱԼՈՒ ԵՆ

Տավուշի մարզի հանրակրթական դպրոցներից հայտնեցին, որ դպրոցների տնօրենները մանկավարժներին հայտնել են, որ 2023թ. սեպտեմբերի 1-ից ուժի մեջ է մտնելու այն որոշումը, որ հանրակրթական դպրոցներում պետք է դասավանդեն միայն բարձագույն կրթություն ունեցողները: Նոր ուսումնական տարուց դպրոցներում կարող են դասավանդել նաեւ բարձրագույն, ոչ մանկավարժական կրթություն ունեցողները, որոնք առվազն 5 տարվա մանկավարժական աշխատանքի ստաժ ունեն եւ մասնագիտական վերապատրաստումների ընթացքում հավաքել են առնվազն 30 կրեդիտային միավոր: Որոշումը պետք է կիրառվեր դեռեւս 2018 թվականին, սակայն այն ժամանակ դրա կիրարկումը 5 տարով հետաձգվել է: Տավուշի մարզպետարանից ստացված տվյալներով մարզի 76 հանրակրթական դպրոցներում առկա է ուսուցիչների 27 թափուր հաստիք՝ Սաթեմատիկա, Քիմիա, Կենսաբանություն, Ֆիզիկա, Անգլերեն, Ռուսերեն, Պատմություն, Արվեստ, Բնագիտություն, Ինֆորմատիկա, Շախմատ, Տեխնոլոգիա, Երաժշտություն առարկաների գծով: Եթե նշված որոշումը գալիք ուսումնական տարվա մեկնարկից սկսի կիրառվել, Տավուշի մարզի հեռավոր, սահմանամերձ փոքր դպրոցներում շատ առարկաների ուսուցիչների թափուր տեղեր են առաջանալու: Սահմանամերձ փոքր դպրոցներում առարկաներ կան, որոնք 20 եւ ավելի տարի դասավանդվում են ուսուցիչների կողմից, որոնք, սակայն, չունեն բարձրագույն կրթություն, մանկավարժական տեխնիկում կամ քոլեջ են ավարտել: Ուսուցիչների ոչ բարձր աշխատավարձի պատճառով մանկավարժական բուհեր ավարտածների գերակշիռ մեծամասնությունը իր աշխատանքային կենսագրությունը սկսում է ոչ թե հանրակրթական դպրոցներում, այլ ուրիշ բնագավառներում:

ՈՍԿԱՆ ՍԱՐԳՅԱՆ Տավուշ

ՆԵՐՊՐՈՒՄ

ՄՅՈՒՆԻԲՈՒՄ ԵՐԿՈՒ ԲՈԼԵՋ ԿԱՐԴԻԱԿԱՆԱՅՎԻ

ՀՀ կրթության, գիտության, մշակույթի եւ սպորտի նախարարի տեղակալներ Արթուր Մարտիրոսյանը եւ Արաբիկ Սվազյանը ընդունել են Եվրոպական ներդրումային բանկի Հարավային Կովկասի սարածաբանային ներկայացուցչության ղեկավար Մաչեյ Չուրայի զխավորած դասվիրակությանը:



Հանդիպմանը քննարկվել են համագործակցության հեռանկարները, ընթացիկ եւ նախատեսվող ծրագրերը: ԿԳՄՍ նախարարի տեղակալ Արթուր Մարտիրոսյանը, ողջունելով հյուրերին, կարեւորել է Եվրոպական ներդրումային բանկի հետ համագործակցությունը՝ ուղղված կրթության ոլորտի զարգացմանը: «Հաստատվել է «ՀՀ կրթության» մինչեւ 2030 թվականը զարգացման պետական ծրագիր»-ը, որի գործողությունների պլանի հաստատումից հետո զարգացման գործընկերների հետ քննարկումներ ենք ունենալու եւ սկսելու ենք համագործակցության նոր փուլ ծրագրի իրականացման նպատակով», - նշել է նախարարի տեղակալը՝ ավելացնելով, որ այս առումով ակնկալվում է Եվրոպական ներդրումային բանկի հետ համագործակցություն:

հայտնել ընդունելության համար եւ ընդգծել, որ ԵՄ-Հայաստան երկխոսության համատեքստում կրթության ոլորտն առաջնայիններից մեկն է. «Կրթության բոլոր ուղղությունները Կենտրոնական Եվրոպայում մեր բանկի ներդրումային գործունեության հիմնական ուղղվածություններից են: Կրթության ոլորտին մենք իսկապես մեծ ուշադրություն ենք դարձնում, տրամադրում ենք ոչ միայն ֆինանսական, այլեւ փորձագիտական աջակցություն», - ասել է Մաչեյ Չուրայը եւ պատրաստակամություն հայտնել համագործակցելու լրացուցիչ ու շարունակական կրթության իրականացման, ինչպես նաեւ ոչ ֆորմալ եւ ինֆորմալ ուսուցման ուղղություններով: ՀՀ կրթության, գիտության, մշակույթի եւ սպորտի նախարարի տեղակալ Արաբիկ Սվազյանը ներկայացրել է հանրակրթության նոր չափորոշիչ ներդրմամբ պայմանավորված բարեփոխումները, ինչպես նաեւ նախնական եւ միջին մասնագիտական կրթության ոլորտի առաջնա-

յին խնդիրներն ու զարգացման ուղղությունները: Նշվել է, որ Եվրոպական միության աջակցության ծրագրերի շրջանակում դիտարկվում են Սյունիքում կրթական նոր մոդելի ներդրման եւ հանրակրթության նոր չափորոշիչ տեղայնացման հարցերը: Անդրադարձ է եղել Եվրոպական ներդրումային բանկի հետ նոր համագործակցության մեկնարկին, որի շրջանակում նախատեսվում են Սյունիքի տարածաշրջանային եւ Գորիսի պետական քոլեջների վերանորոգում, արդիականացում եւ վերազինում: ԿԳՄՍ նախարարի տեղակալ Արաբիկ Սվազյանը կարեւորել է Սյունիքի մարզի երկու քոլեջներում ներդրումային ծրագրերի շուրջ համաձայնության ձեռքբերումը՝ շեշտելով, որ նախնական եւ միջին մասնագիտական կրթության ոլորտը ռազմավարական կարեւոր ուղղություններից մեկն է: Կողմերը քննարկել են Եվրոպական ներդրումային բանկի հետ հնարավոր այլ համագործակցության հեռանկարները:

ԼՈՒՐԵՐ ՀԱՅԻ ԾԱՎԱԼՆԵՐԸ ՆՎԱԶԵԼ ԵՆ

Հայաստանում առաջին անհրաժեշտության սննդատեսակ համարվող հացի արտադրության ծավալները փոքր-ինչ նվազել են: ArmLur.am-ը պաշտոնական վիճակագրական աղբյուրներից պարզեց, որ նախորդ տարվա հունվար-նոյեմբերին Հայաստանում արտադրվել է 238 հազար 821 տոննա հաց, մինչդեռ 2021 թվականի նույն ժամանակահատվածում արտադրվել է 240 հազար 7 տոննա հաց: Այսինքն՝ հացի արտադրության ծավալները անցյալ տարվա 11 ամիսներին, 2021 նույն ժամանակահատվածի համեմատ, 0,5 տոկոսով է նվազել: Ի դեպ, տեղեկացնենք, որ նույն ժամանակահատվածում մակարոնեղենի արտադրության ծավալներն են աճել 3 տոկոսով: ArmLur.am-ը ՀՀ վիճակագրական կոմիտեից տեղեկացավ, որ մեր հանրապետությունում անցյալ տարվա հունվար-նոյեմբեր ամիսներին արտադրվել է 4854 տոն-

նա մակարոն, սակայն մակարոն արտադրողները խիստ մտահոգված են, որովհետեւ հայկական ողջ շուկան ողողված է դրսից ներկրվող մակարոնով, եւ տեղական արտադրողները չեն դիմանում մրցակցությանը: Նշենք, որ ռուսական արտադրության մակարոնը մեր շուկայում մեծ տեսակարար կշիռ ունի: Հայաստանում մակարոն արտադրելու համար տնտեսվարողները մեծ ծախսեր են անում, իսկ այն ներմուծողներն ավելի շատ են օգտվում: Արդյունքում տեղական արտադրողները չեն կարողանում իրենց ունեցածը սպառել կամ էլ այն իրացնում են ավելի էժան՝ այդպիսով մեծ վնասներ կրելով: ԱՅՈՒՆԷ ՀԱՍՏԱՐՈՇՈՒՄՅԱՆ

Հիշեցնենք, որ նախարարությունը ձեռավորել է անձի ֆունկցիոնալությունը գնահատող մասնագետների ռեեստր: Այն նախատեսված է բժիշկների, ինչպես նաեւ հարթժվական ծառայություն մատուցող մասնագետների համար, որոնք, ծանոթանալով հաշմանդամություն ունեցող անձանց ոլորտում իրականացվող բարեփոխումներին, մասնավորապես՝ հաշմանդամության սահմանման նոր մոդելին, հնարավորություն կունենան իրականացնել իրենց աշխատանքները նոր համակարգով: Ռեեստրում ընդգրկված մասնագետները մասնագետ են նախարարության, Եվրոպական միության SOCIEUX+ բաղադրիչի, ՄԱԿ-ի Զարգացման ծրագրի, ՄԱԿ-ի Բնակչության հիմնադրամի եւ ՄԱԿ-ի Մանկական հիմնադրամի (ՅՈՒՆԻՍԵֆ) աջակցությամբ՝ Աշխատանքի եւ սոցիալական հետազոտությունների ազգային ինստիտուտի կողմից կազմակերպված շարունակական վերապատրաստման դասընթացներին, որոնց ընթացքում ձեռք բերած տեսական եւ գործնական գիտելիքը կիրառել են հաշմանդամության փորձնական գնահատման գործընթացում:

ԸՆՆՈՒԹՅՈՒՆՆԵՐ ԵՆ ՀԱՆՁՆԵԼ

Անձի ֆունկցիոնալության գնահատման նոր համակարգի ներդրման շրջանակում փետրվարի 1-ից նախատեսվող գործընթացն իրականացնող մասնագետների առաջին խումբը հանձնել է քննություն ու ընդգրկվել անձի ֆունկցիոնալության գնահատման աշխատանքներում:

● Անցած 1 օրվա ընթացքում Հայաստանի Հանրապետությունում արձանագրվել է 15 ՃՏՊ. 20 մարդ ստացել է տարբեր աստիճանի մարմնական վնասվածքներ:



«ՓՈՔՐ ԵՐԿՐՆԵՐ ԱԿՈՒՄՔ»

ՀԱՐԳԱՆՔԻ ՏՈՒՐՔ՝ ՀԱՅԱՍՏԱՆԻՆ

Հայաստանի չորրորդ ցայտային Արմեն Մարգարյանի հեղինակած գիրք «The Small States Club» («Փոքր երկրների ակումբ») գիրքը հայտնվել է 2023 թվականի ամենաազդեցիկ 15 գրքերի ցանկում: Ցանկը կազմել է հեղինակավոր Diplomatic Courier-ը՝ հարթակ, որտեղ ֆինանսավորում են միջազգային հարաբերություններին, դիվանագիտությանը, սեխնորգիաներին, կլիմային, բիզնեսին ամենօրյա կարևորագույն հարցերն ու ոլորտի հեռանկարները:

«The Small States Club» («Փոքր երկրների ակումբ») գիրքը, որը լույս կտեսնի 2023 թվականին, պատմում է այն մասին, թե ինչպես կարող են փոքր երկրներն իրենց հաստատուն ու վճռական դերակատարումն ունենալ միջազգային ասպարեզում:

«Ավելի փոքր չափերը թույլ են տալիս ունենալ արձագանքելու ավելի մեծ կարողություն, փորձարկումներ ու նորարարություններ անելու հնարավորություն, ինչպես նաև քաղաքական փոփոխությունները չափել շատ ավելի արագ, քան իրենց ավելի խոշոր գործընկերները: Իհարկե, փոքր լինելն ունի նաև բացասական կողմեր, որոնցից «նավարկությունը» միջազգային հարթակներում վերջին տեղում չէ, հարթակներ, որոնք ստեղծված են ու գործում են՝ ի շահ ավելի խոշոր երկրների: Ասում են՝ Մարգարյանի գիրքը մասամբ հուշագրություն է եւ մասամբ՝ հարգանքի տուրք Հայաստանին՝ երկիր, որն առաջնային տարիների պարտադիր այցելությունների իմ ցանկում է»,- գրքի մասին այսպես է գրում հոդվածի հեղինակ Ջոշուա Հումինսկին:



«The Small States Club» գրքի հրատարակիչ Hurst ընկերությունը գրքի մասին համառոտագրում նշում է, որ այն ավարտվում է Հայաստանի մասին պատումով. «Որպես կիսով չափ հուշագրություն, կիսով չափ մանիֆեստ՝ այն հուզիչ հայացք է աշխարհի ամենահին քրիստոնեական երկրին, որը միաժամանակ ներկայացնում է հնագույն քաղաքակրթություն, փոքր պետություն եւ համաշխարհային ազգ»:

ԶՈՐՎԱԾ ԶԻՆԾԱՌԱՅՈՂ

ԻՆՉ Է ՊԱՏՄՈՒՄ ՎԱՐՉԱԿԱՆ ՂԵԿԱՎԱՐԸ

Երեկ մահացած 15 զինծառայողներից Ռոստոմ Ասրյանը Մարյանը Լոռու մարզի Հոբարտի բնակավայրից է: Այս մասին ArmLur.am-ի հեռ գրույցում ասաց Հոբարտի վարչական ղեկավար Կարեն Լալազարյանը:

Մեր զրուցակցի խոսքով՝ Ռոստոմ Ասրյանը տարի եւ մեկ ամսվա զինծառայող էր, ուներ քույր եւ եղբայր: Ընտանիքն ապրում էր Լոռույի պայմաններում:

«Ինչ ասեմ, շատ լավ երիտասարդ էր, ինչքան դրական բնավորության հատկանիշ կա, ինքն ուներ... Չգիտեմ...», - ասաց նա:

Նշենք, որ գիշերը՝ Չեղարքունիքի մարզում տեղի ունեցած ողբերգական միջադեպից հետո, ինչի պատճառով ժամկետային 15 զինծառայող է մահացել, ArmLur.am-ի տեղեկություններով, իրավապահ համակարգի ներկայացուցիչներն այս պահին աշխատում են դեպքի վայրում, փորձում պարզել դեպքի հետ կապված բոլոր մանրամասները:

ArmLur.am-ը գրել էր, որ, ըստ իրավապահների առաջ քաշած նախնական վարկածի, վաշտի հրամանատարը բենզինը լցրել է վառարանի մեջ, ինչից հետո կրակից նաև ձեռք է բռնկվել, ու վախենալով իրավիճակից՝ բենզինով լի շիշը շարժել է տան մեջ, ինչից հետո էլ պայթյունն ու հրդեհ է բռնկվել:

ԼԻՂԱ ԵՐԻՎԱՆՅԱՆ



ԼՈՒՐԵՐ

ՆՈՐ ԱՆԴԱՄ ԳՐՈՂՆԵՐԻ ՄԻՈՒԹՅՈՒՆՈՒՄ

Լիբանանի Այնճար գյուղի հոգեւոր հովիվ Հայր Մեսրոպ վարդապետ Թոփայանը, որը բազմաթիվ աշխատությունների հեղինակ է, հունվարի 18-ին դարձավ Հայաստանի գրողների միության պատվավոր անդամ եւ գրական վաստակի համար ՀՀՄ մեդալի արժանացավ: Միջոցառմանը Հայաստանի գրողների միության նախագահ Էդվարդ Միլիտոնյանն ասաց՝ ծանոթացել է հեղինակի «Դանիել Վարուժան՝ հոգեբանության ծիրէն ներս» գրքին, որում բազմաթիվ հարցերի պատասխաններ է գտել: «Սա հրաշալի գիրք է, եւ ես զարմացած եմ, որ գրված է համահայկական միջավայրում, սակայն գիտական աշխատանքներին պատշաճ չեն արձագանքել: Մենք կարծում ենք՝ ճանաչում ենք մեր սփյուռքահայ ստեղծագործողներին, սակայն բացթողումներ են լինում: Կան մեծանուն ստեղծագործողներ, սակայն նրանց անուններն ու ստեղծագործություններն այնքան էլ տարածված չեն»,- շեշտեց Միլիտոնյանը: Նրա խոսքով՝ Հայր Մեսրոպ վարդապետ Թոփայանն ավելի քան 70 աշխատությունների հեղինակ է: Ըստ Միլիտոնյանի՝ նա մեծ ներդրում ունի հայ գրական, մշակութային, հոգեւոր ասպարեզների զարգացման գործում:

ԵՐԿՐՈՐԴ ՀԱՂԹԱՆԱԿ

«Մեծ սաղավարտի» մրցաշարերի 21-ակի չեմպիոն Նովակ Ջոկովիչը դուրս եկավ Ավստրալիայի բաց առաջնության 1/16 եզրափակից: Նա 23-րդ անընդմեջ հաղթանակը տարավ այս մրցաշարում:

Աշխարհի 5-րդ ռակետը մրցեց աշխարհի 191-րդ ռակետ ֆրանսիացի Էնզո Կուակոյի հետ եւ առավելության հասավ չորս սեթում՝ 6:1, 6:7 (7:5), 6:2, 6:0: Պայքարը տևեց 2 ժամ եւ 55 րոպե:

Մեր թենիսիստի հաջորդ մրցակիցը կլինի բուլղարացի Գրիգոր Դիմիտրովը, որը 6:3, 6:2, 6:0 հաշվով պարտության է մատնել սերբ Լասլո Ջերեխն: Ավստրալիայի բաց առաջնության մրցանակային հիմնադրամը 51,3 միլիոն դոլար է:

ԳԵՐԱԶԱՆՅԵԼ Է ՌԵԿՈՐԴԸ

Իտալիայի փոխչեմպիոն Միլանի «Ինտերի» բոսնիացի հարձակվող Էդին Զեկուն չեմպիոն «Միլանին» խփած գոլի շնորհիվ գերազանցել է Թուրքիի «Յուվենտուսի» նախկին հարձակվող, պորտուգալացի Կրիշտիանու Ռոնալդուի տարիքային ռեկորդը Իտալիայի Սուպերգավաթում:

Զեկուն գոլի հեղինակ է դարձել 36 տարեկան եւ 307 օրականում. հաղորդում է իտալական Ա Սերիայի մամուլի ծառայությունը: Ռոնալդուն Իտալիայի Սուպերգավաթում գոլ էր խփել 35 տարեկան եւ 350 օրականում:

Հիշեցնենք, որ Սաուդյան Արաբիայի մայրաքաղաք էր Ռիյադում տեղի ունեցած խաղում «Ինտերը» «Միլանին» հաղթել է 3:0 հաշվով եւ 7-րդ անգամ նվաճել Իտալիայի սուպերգավաթը:

● Հունվարի 22-ին Երեւանի պատանի հանդիսատեսի թատրոնում տեղի կունենա «Չարլին եւ շոկոլադի գործարանը» ներկայացումը: Տոմսերի արժեքը՝ 1000-3000 դրամ: Սկիզբը՝ ժամը 15:00-ին:



Էջը՝ ՌՈՋԱ ՊՈՂՈՍՅԱՆԻ

ԻՐԱՎՈՒՆՔ

ՀԱՐՑ. Աղահովազական ընկերությունը, առանց իմ համաձայնության, police.am-ից ներբեռնել է իմ խախտումների տեսագրությունները. արդյոք խախտվե՞լ է իմ իրավունքը:

Սուրեն Ռուստամյան (43 տարեկան)

ՊԱՏԱՍԽԱՆ. Յուրաքանչյուր ոք ունի իրեն վերաբերող տվյալների պաշտպանության իրավունք: Անձնական տվյալների մշակումը պետք է կատարվի բարեխղճորեն, օրենքով սահմանված նպատակով, անձի համաձայնությամբ կամ առանց այդ համաձայնության՝ այլ իրավաչափ հիմքի առկայությամբ: Աղահովազական ընկերության հետ պայմանագիր կնքելիս Ռուք նրանց հայտնել էք Ձեր մեքենայի պետհամարակիցները եւ տեխնիկական անձնագրի սերիան, որպեսզի նա կարողանա կնքել Ձեզ հետ աղահովազական պայմանագիր: Այսինքն՝ անձնական տվյալները Ռուք աղահովազական ընկերությանը տրամադրել էք հատուկ նպատակի համար՝ միայն Ձեզ հետ աղահովազական պայմանագիր կնքելու համար, այլ ոչ թե որեւէ այլ նպատակների համար: Եվ աղահովազական ընկերության կողմից առանց Ձեր թույլտվության Ձեր կողմից տրամադրված անձնական տվյալներն այլ նպատակով օգտագործելը, նոր անձնական տվյալներ հավաքելը, մշակելը եւ տարածելը համարվում է ապօրինի եւ խախտում է Ձեր իրավունքները:

Ըստ այդմ, Ռուք նախառաջ կարող էք դատարանում ներկայացնել առարկություններ, որպեսզի այդ տեսանյութերը որպես ապացույց չօգտագործվեն դատարանում, քանի որ դրանք ձեռք են բերվել օրենքի պահանջների խախտմամբ: Կարող էք նաեւ ապօրինի անձնական տվյալների հավաքագրման վերաբերյալ դիմում-բողոք ներկայացնել ՀՀ արդարադատության նախարարության «Անձնական տվյալների պաշտպանության գործակալություն» խնդրելով հարուցել վարչական վարույթ աղահովազական ընկերության դեմ եւ նրան ենթարկել վարչական պատասխանատվության: Ավելին՝ կարող էք համապատասխան հարողում ներկայացնել ոստիկանություն՝ պահանջելով հարուցել քրեական գործ, քանի որ ապօրինի՝ առանց օրենքով սահմանված կարգի եւ հիմքերի անձնական տվյալների հավաքագրումը, մշակումը եւ օգտագործումը համարվում է հանցավոր արարք:

Հարկ է նկատել, որ Ձեր վերաբերյալ առանց համաձայնության նման կերպ անձնական կամ ընտանեկան կյանքին վերաբերվող տվյալները հավաքագրելը հանդիսանում է խախտում, որի համար սահմանված պատասխանատվության չափը կազմում է 200.000-500.000 ՀՀ դրամ, ինչպես նաեւ քրեական պատասխանատվություն՝ մեկից երկու ամիս կալանք: Անձնական տվյալների պաշտպանության գործակալությունը եւ ՀՀ ոստիկանությունը պարտավոր են Ձեր դիմում-բողոքի հիման վրա հարուցել վարչական վարույթ, քննել բոլոր հանգամանքները, լսել նաեւ աղահովազական ընկերությանը, որից հետո իրավախախտման կամ հանցակազմի հատկանիշներ պարզելու պարագայում համապատասխան անձանց ենթարկել պատասխանատվության:

ՀՀ արդարադատության նախարարության անձնական տվյալների պաշտպանության գործակալություն

«ԺՈՂՎՈՒՐԳ»... Մինչ համապատասխան դիմում-բողոքներ ուղարկելն անհրաժեշտ է պարզել, թե արդյոք աղահովազական պայմանագրում նշված են անձնական տվյալների օգտագործման վերաբերյալ որեւէ պայմաններ կամ կարգավորումներ, եւ թե՛ այդ, ապա ինչպիսի:

ՍՈՑԻԱԼԱԿԱՆ

ՀԱՐՑ. Գործատու վերջնահաշվարկիս գումարը դակաս է հաշվարկել, դահումներ է արել. ի՞նչ անեն եւ ո՞ւմ դիմեն:

Աննա Կարապետյան (28 տարեկան)



ՊԱՏԱՍԽԱՆ. Աշխատանքից ազատվելու դեպքում ազատման օրը կամ ոչ ուշ, քան աշխատողի՝ նման պահանջ ներկայացնելուց հետո՝ 3-օրյա ժամկետում, գործատուն պետք է կատարի վերջնահաշվարկ եւ այն վճարի աշխատողին:

Վերջնահաշվարկի մեջ են ներառվում աշխատանքի ազատման օրվա դրությամբ աշխատած եւ չվարձատրված օրերի համար աշխատավարձի գումարները, չօգտագործված արձակուրդի համար վճարումները, աշխատավարձին հավասարեցված այլ բոլոր վճարումները: Հաշվի առնելով, որ վերջնահաշվարկի գումարը եւս աշխատողի համար հանդիսանում է եկամուտ, այդ գումարից ենթակա են հարկերի վճարումներ, որոնք հենց այն պահումներն են, որոնք կատարվում են գործատուի կողմից:

Իսկ թե՛ կարծում էք, որ հաշվարկները գործատուի կողմից սխալ են կատարվել կամ պահումները ավել են եղել, ապա կարող էք այդ մասին դիմում ներկայացնել գործատուին՝ խնդրելով ներկայացնել այն հաշվարկը, որը կատարել է պահումները կատարելուց եւ վերջնահաշվարկը կազմելուց: Գործատուից ստանալով հաշվարկը՝ կարող էք ինքներդ կատարել համապատասխան հաշվարկը կամ էլ դիմել ցանկացած հաշվապահի՝ պարզելու կատարված հաշվարկների ճշգրտությունը:

ՀՀ աշխատանքի եւ սոցիալական հարցերի նախարարություն

«ԺՈՂՎՈՒՐԳ»... Եթե պարզեք, որ հաշվարկը սխալ է կատարված, եւ Ձեզ պակաս են վճարել վերջնահաշվարկը, ապա կարող էք դիմել գործատուին՝ պահանջելով վճարել պակաս վճարված վերջնահաշվարկը: Եթե գործատուն հրաժարվի վճարել կամ ցուցաբերի անգործություն, ապա պետք է դիմեք դատարան՝ վերջնահաշվարկի պակաս վճարված գումարը գանձելու պահանջով: Կարող էք պահանջել նաեւ, որ գործատուից գանձվեն տույժի գումարները, որը կազմում է յուրաքանչյուր ուշացված օրվա համար չվճարված գումարի 0.15%-ը:

ԼՈՒՐ ԿԱԴՐ

Լուսանկարն արվել է Գեղարքունիքի մարզի Ազատ գյուղում



Պաշտպանության նախարարությունը հաղորդել էր, որ այս գիշեր հրդեհ է բռնկվել Գեղարքունիքի մարզի Ազատ գյուղի տարածքում տեղակայված ՀՀ ՊՆ N գորամասի ինժեներասակրավորային վաշտի կացարանում:

Հրդեհի հետեւանքով կա 15 զոհ, երեք վիրավոր: Նախնական տեղեկություններով՝ վաշտի կացարանում հրդեհը վառարանից է առաջացել:

ArmLur.am-ը ներկայացնում է բացառիկ լուսանկարներ ՀՀ ՊՆ N գորամասի ինժեներասակրավորային վաշտի այրված կացարանից:

ԲԱԺՆԱՌԳԱԳՐՈՒԹՅՈՒՆ

Մեր թերթը Բաժանորդագրվելու համար կարող էք դիմել



«Հայմամուլ» ՓԲԸ հեռ. 45-82-00, 45-19-11

«Հայփոստ» ՊՓԲԸ հեռ. 51-45-46, 51-45-47

«Բլից-Մեդիա» ՍՊԸ հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող էք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

Subscription form with fields for name, address, phone, and a coupon code.



«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետեւյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»:

Լրատվական գործունեություն իրականացնող՝ «Ժողովուրդ» թերթի խմբագրություն՝ ՍՊԸ Հասցեն՝ ք. Երեւան, Աբովյան 22՝/3, հեռ՝ 010 54-64-23 Պետական գրանցման վկայականի համարը՝ 03Ա089086 տրված է 24.11.2010 Ստորագրված է տպագրության 19.01.2023

Գլխավոր խմբագիր՝ ԶՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում: